

# 2 TIMOTEUS

## Timoteus tuku waŋe Paulusŋge arnu kuyarna

Paulus nu buk saibo pilmba Romŋge muli wandek sinam taŋge minmba nu waŋe ŋakmba kuyarnaŋge likina ta tukulmba Timoteus tuku waŋe arnu te kuyarna.

Timoteus nu Kristus tuku kuasmbi Efesusŋge minnaig ta kulatka minna le Paulus nu wam pagu pasa te Timoteus tuku kuyarmba waŋe te pilna le nu tugum kina.

---

**1** <sup>1-2</sup>O yiŋe kiŋo Timoteus kaiye. Ye Paulus Kristus Yesus tuku aposel ne ndoŋ pasa-pasakam prowet.

Kuate nu taŋgo kame ŋakmba Kristus Yesus tuku son ŋguwaig le abo tugu niŋgamŋgit ŋga sakina. Nu wam ta kumuwam tuku nuŋe nzalimbi ye aposel madiyina le pasa ta kukliwet. Mam Kuate Kristus Yesus ndoŋ nale ake sinaŋ ne make pilmba mapenumba ŋgamuŋgal wamdus bul sernuwaik. Son.

### Suŋgo tuku wam te-mayokam tuku kiko ndanuwa

<sup>3</sup>Ye yiŋe mbuŋ kame taŋaŋ Kuate tuku piro biye mayewet ŋga ye mbar maŋau ŋakmba pitaika nu am mbolŋge ŋgamuŋgal wamdus bulok minet. Ye nu ndoŋ pasata mara ŋakmba mbolŋge ne tuku ŋga gare pasa nu tuwet. <sup>4</sup>Ye ne kusrenen le ne malmbikina ta idusmba ye ne kaŋgernumba maŋ gare suŋgo tam tuku mara mara wamdus suŋgo ŋak minet.

<sup>5</sup>Wa naŋe Lois le ina naŋe Yunis nale o buk Kuate tuku saŋgri tomba tiŋginaik. Ne mata nale tuku maŋau ta dubite ŋga iduset. <sup>6</sup>Ta tuku ye teŋenmba ne sanamŋgit. Ye buk ne piro biya ŋga wai ne mbolŋge patiken le Kuate nu piro tuku saŋgri ne tinna. Ne saŋgri ta ŋak minmba piroka.

<sup>7</sup>Kuate nu sine Tukul Guwa siŋgina ta sine kuru kuru sersingam tuku nda siŋgina. Sine nu mbolŋge saŋgri tumba kume pur maŋau ŋak minmba ŋgarosu tuku nzali tidongam tuku maŋau ta kileg.

<sup>8</sup>Ne wam ta idusmba Sunjo tuku manau mayenu te-mayokmba sakam tuku kiko ndanuwa. Ye nu tuku tanjo mbaranu tanjan muli wandek sinamnje minet te ne ye tuku mata kiko ndanuwa. Ne ye tejen Kristus tuku pasa mayenu kukliwa le piti tinwaig ta ne Kuate tugumnje sanjri tumba piti ta kurawa. <sup>9</sup>Nunje sine tuku muskil kile-tidinge sinjmba nuje mbal nga madisingina. Sine tuku manau magenu mbolnje kuga. Nu nuje wamdus dubimba sine madisingina. Nu samba kilke kile-mayok ndakina sulumba Kristus Yesus mbolnje ake sinan sine make patikina ta <sup>10</sup>kile alonu kangereg. Sine muskil kile-tidinge singit tanjo Kristus Yesus nu mayok ka kume tuku sanjri pitaimba abo tugu minmba minam tuku te-mayokna. Nu tuku pasa mayenu tanjamba sakate.

<sup>11</sup>Ye pasa mayenu ta kuklimba tumningam tuku nu ye aposel pilna le <sup>12</sup>ye piro ta ket tukunu kile piti te sade ta ye kiko ndayate. Ye Kristus tuku sanjri tomba tinjet ta ye nu tuku manau kila. Nu ye tuku wai mbolnje piro pilna ta sinja nu kulatka minmba minwa le ait sunjo prowamngat.

<sup>13</sup>O Timoteus, ne Kristus Yesus ndon ulendika nu tuku son nga kume purmba pasa tugusek tumnen ta dubi mageka mina. <sup>14</sup>Tukul Guwa sine sinamnje minit. Pasa tugusek Kuatenje tinna ta Tukul Guwa nu ne sanjri tinwa le kulat mayewa.

<sup>15</sup>Figelus nale Hermogenes Asia mbal ta nane njakmba ye kusreyinaig. Wam ta ne buk isna.

<sup>16-17</sup>Onesiforus ndo nu Rom prona sulumba nu ye mbaranu tanjan muli wandek sinamnje minet te nu ye tuku kiko ndana le nu dal ndaka pitik ndo ye sotina. Nu ait sunjomba pro ye turyina le wamdus bulken. Kuate nu Onesiforus tuku wande tuma mbal sinaninjmba mapekuwa nga iduset. <sup>18</sup>Nu Efesusnje mata ye sunjomba turyina ta ne buk isna. Ait sunjo mbolnje Sunjo nu sinanu mapewa nga yabanjet.

### Kristus tuku kame tanjo

**2** <sup>1</sup>O kiyo, Kristus Yesus nu ake sinan ne make pilmba sanjri tinit ta ne sanjri ta njak tinja. <sup>2</sup>Ye tanjo gudommba am mbolnje pasa kuklimba saken ta ne suk tanjo kateseknu afu sota kangerka pasa ta saninja le nanenje man afu saninguwaig.

<sup>3</sup>Ne sine tanjan afunje ne piti tinwaig kande ne ye Kristus Yesus tuku kame tanjo nga sanjri tinja kurawa. <sup>4</sup>Kame tanjo nu nuje gabat tuku minje dubimba kame piro ndo kate. Nu piro kise ke nda kate. <sup>5</sup>Usre mbolnje tanjo inum nu usre tuku tukul dubi ndaka afu liningit ta nane nu tuku nyu te-du ndangade. <sup>6</sup>Tanjo inum piro karenkuwa ta nu ambonga piro alonu kilit. <sup>7</sup>Ne yaba pasa kame ta idus tidinja mina. Ne tanjawa ta Sunjo nu wam njakmba tugunu ne tumnamngat.

<sup>8-9</sup>Ne Yesus Kristus tuku idusa. Nu David tuku mbu. Nu kummba man tinjina. Ye tanjaka nu tuku pasa mayenu kukliwet tukunu nane

ye tanjo n̄ayonu tan̄an ndaleka piti seryade. Nane ye ndalekinaig ta nane Kuate tuku pasa ndalekam kumuŋ kuga. <sup>10</sup>Wam ta idusmba ye ŋgamuŋgal wamdus bulok ŋak piti kame te kugraket. Kuate nu nane kilam tuku madiniŋgina mbal Kristus Yesusŋge nane muskil kile-tidiŋge niŋguwa le nane bulu kilŋa sunjo minmba minam tuku ta tuwaig ŋa iduset. <sup>11</sup>Nu tuku pasa ta siŋka son pasa ndo. Sine Kristus ndoŋ kumanu tan̄an kumgeŋ ta sine nu ndoŋ abo ŋak minmba minamŋgig. <sup>12</sup>Sine piti sinamŋge san̄gri tiŋga minmba minbe ta sine Kristus ndoŋ gabat sugo minamŋgig. Sine nu ŋgumnebe ta nu mata sine ŋgumnesiŋgamŋgat. <sup>13</sup>Sine nu dubiwam tuku sakeg ta kusrebe ta nu nuŋe pasa kusrewa nda. Nu siŋka nuŋe pasa ŋgumnewam kumuŋ kuga.

<sup>14</sup>Nane wam ta maŋ iduswaig ŋa Sunjo am mbolŋge saniŋga le nane pasa tugunu afu tuku muŋgu tuli ndaŋguwaig. Maŋau tanje nane tur ndaka pasa isig mbal ŋaigo siglikate.

### Kuate tuku piro tanjo mayenu

<sup>15</sup>Ne Kuate am mbolŋge kiko ndanam tuku ne san̄gri tiŋga piroka. Nu tuku pasa tugusek kila pile mayemba tugusemba tumniŋga le Kuate nu ne piro kumumbi kate ŋuwa.

<sup>16-17</sup>Mbal afu kilke te mbolok pasa alo kugatok saka minig ta ne nane ise ndaka. Pasa ta kareŋ we tan̄an sunjoka nane ŋaigo siglikate le nane tuku maŋau n̄ayonu sunjo n̄ayote. Himeneus le Filetus nale mata pasa ta dubika <sup>18</sup>pasa tugusek buk kusrenaik. Nale teŋenmba sakade. Kummba aboŋgam tuku maŋau ta buk mayok ka kugana. Kile sine kummba maŋ aboŋge nda ŋga sakade. Pasa tambi nane afu tuku ŋgamuŋgal son kile-iben̄kade.

<sup>19</sup>Kuate tuku pasa makek sunjo siriwanu tan̄an bike ndakate. Makek ta tuku kuyar ta teŋenmba sakate. Nane afu Sunjo tuku mbal minig ta Sunjo nu nane kila ŋak minit ŋgate. Pasa ande teŋenmba sakate. Ande nu ye Sunjo tuku ŋgate ta nu maŋau ŋaigonu kusrekuwa ŋga sakate.

<sup>20</sup>Wande sunjo ande sinamŋge nza yimyam gudomm̄ba minig. Afu silwa le golmbi wakeikanu. Afu ail le kilkemi wakeikanu. Afu piro sugo kam tuku. Afu piro foŋfoŋ kam tuku. <sup>21</sup>Tanjo nu maŋau ŋaigonu ŋakmba ŋgumneniŋgit ta nu nza mayenu piro sugo kam tuku tan̄an minit. Miro tanjoŋge nu nuŋe piro ta ndo kam tuku madite le piro magenu ŋakmba kam tuku minit.

<sup>22</sup>Ne wam ta idusmba ne tanjo mbanzo tuku nzali ŋaigonu ta riroŋka. Mbal afu wamdus kutur kugatok Sunjo mbariŋde ta ne nane ndoŋ Kuate tuku son ŋgam tuku, maŋau tiŋreknu ke likam tuku, kume pur maŋau kam tuku, wamdus mukuk minam tuku wam ta ŋakmba tuku wamdus san̄grinu pale.

<sup>23</sup>Mbal afu nane ŋgiŋŋan pasata muŋgu tuliŋgade ta ne maŋau ta ŋgumnewa. Nane tan̄amba minmba gubra ŋak kualeyauka minig. <sup>24</sup>Ne

Sunġo tuku piro taġġo tukunu ne gubra tumba kualeyau ndaka. Ne taġġo ġakmba ġgamukġġe raġġun mayenu ġak minmba pasa tugusemba kuklimba tumniġmba ġġan mina. <sup>25-26</sup>Afu ne te-ibenġnam tagode ta wamdus bafukmbi nane kile-tidiġġa. Satan nane nu nuġe nzali dubiwaig ġġa nane bige tidiġġina. Ne wamdus bafukmbi kile-tidiġġa ta Kuatenġe kuwa le nane ġgamuġġal biye mbilmba pasa tugusek kila pilwaig. Taġġawaig ta nane Satan tuku wai gagulam kumuġ.

### Kugawam tuku ait

**3** <sup>1</sup>Ne pasa te katese mayewa. Ait kugawam patukuwa le piti ait prowamġġat. <sup>2</sup>Taġġo pino naġġine ġġarosu ndo idusniġmba minamġġaig. Nane ndametij kilam piririmba naġġine nyu ndo payamkamġġaig. Nane afu tumail panniġmba ina mam tuku miġġe pitaikamġġaig. Afuġġe nane turkuwaig ta nane gare pasa niġġe ndaka nane Kuate mata ġġumnewamġġaig. <sup>3</sup>Nane afu ġgamuġġal niġġe nda. Nane gubra maġġau kusre ndamba naġġine nzali ġaigonu fare fare dubikamġġaig. Nane ġerġerka maġġau magenu ġakmba pitaikamġġaig. <sup>4</sup>Nane gulab kame kilmba ġġueu mbal niġġamġġaig. Nane wamdus kugatok fare fare maġġau ke lika naġġine ġġarosu ndo payamkamġġaig. Nane naġġine gare tam tuku wamdus sunġo tumba Kuate fudiġmba ndo idusamġġaig. <sup>5</sup>Nane ġġarosu ndo Kuate dubimba nu tuku saġġri idus ndamba ġġumnewamġġaig. Taġġo kame taġġaġ ne nane ġġumneniġġa.

<sup>6</sup>Mbal ta nane gulab taġġaġ afu tugum kumba yabrinġġig le pino kame afu wamdus saġġri kugatok ta nane pasa ta ismba son ġġade. Pino kame ta naġġine mbar kame tuku piti kusrekam tuku wamdus kine inummba <sup>7</sup>mara mara taġġo kise kise tuku pasa isig ta nane pasa tugusek kila palmbim kumuġ kuga.

<sup>8</sup>O bukok taġġo Yanes le Yambres Moses te-ibenġam bafunaik taġġamba ndo kile mbal taġġe pasa tugusek te-ibenġam bafude. Nane tuku wamdus ġayonu. Nane yabri wam ta tuku ndo son ġġade. <sup>9</sup>Nane tuku wam saġġrinu ait kuen mine nda. Yanes le Yambres nale tuku maġġau tugusek kuga ta kilimok mayok kina taġġamba wam ndui ta ndo nane mbolġġe kilimok mayok kaġġat.

### Kuate tuku pasa biye mayewa

<sup>10</sup>O Timoteus, ye tuku mine maġġau tugunu ket ta ne kila. Ye pasa kuklimba tumniġġet ta ne mata kila. Ye Kuate tuku son ġġa piti sinamġġe ġgamuġġal wamdus bulok ġak saġġri tiġġet. Ye tira kame tuku kume purmba piti sinamġġe bike ndaket. Wam ta ġakmba ne kila. <sup>11</sup>Tumbraġ Antiok Ikonium Listra nane piti seryinaig le rar sugo kugraken ta ne kila. Piti ġakmba ta sinamġġe Sunġo nu ye turyina.

<sup>12</sup>Ima nu Kristus Yesus ndoġ ulendika Kuate dubiwam iduste ta siġka nane nu piti tambimġġaig. <sup>13</sup>Yabri mbal wam ġaigonu kade mbal

ɲakmba nane tuku maɲau lato lato suŋgo ɲayowamɲgat. Nane mbal afu yabrininguwaig le Satan nu mbilka nane yabriningamɲgat.

<sup>14</sup>O Timoteus, ne sine tuku wam tugusek ta ne kila. Ne sine tuku pasa ismba kila pilmba son ɲgina ta biye demba mina. <sup>15</sup>Ne kiɲo fudiɲndo minna sulumba Kuate tuku kuyar pasa kila pilna. Kuyar pasa ta ne muskil te-tiwam tuku ndin tumnate. Ande nu Kristus Yesus tuku kume tuku saɲgri tomba tiɲgate ta Kuate nu muskil te-tiwe tuwit.

<sup>16-17</sup>Kuate tuku kuyar pasa ɲakmba nuɲe miroɲ saniɲgina le kuyarke likinaig. Sine Kuate tuku mbal kumumbi mayok ka piro magenu ɲakmba ke likam tuku saɲgri ɲak minbe ɲga nu pasa ta siɲgina. Pasa taɲge sine kumumbi wam paguka mbar maɲau kile-mayokka kile-tidiɲgate sulumba maɲau tiɲreknu ndo tumsiɲgit le kila pileg.

#### Kuate tuku pasa kukliwa

**4** <sup>1</sup>Kuate le Kristus Yesus nu abo minig mbal kumanu mbal turmba pileniɲgamɲgat ta ye nale am mbolɲge sanamɲgit. Kristus Yesus nu mayok ka nuɲe gageu kilmba kulatkamɲgat wam ta idusmba <sup>2</sup>ne wamdus saɲgrinu pilmba pasa kuklimba nane saniɲgina. Nane ne tuku pasa isam tuku nzali ɲak e ko nzali kugatok ta taɲaig ɲga ne pasa te kuklimba nane tuku wamdus purfeu serniɲmba kile-tidiɲga wamdus kuagneka. Ne kanyum ndamba pasa ta tumniɲmba mina. <sup>3</sup>Ait ande prowa le nane pasa tugusek isam tuku wamdus piti tamɲgaig. Nane pasa kise nzaliniɲgit ta isam tuku tum taɲgo afu sota kilamɲgaig. <sup>4</sup>Nane pasa tugusek isam mbulmba yabri wam kube isam tuku kilba palmbimɲgaig.

<sup>5</sup>O Timoteus, ne piro kate ta ke mayewa. Ne bike ndaka piti kuɲraka Kristus tuku pasa mayenu ta saniɲmba mina.

#### Paulus nu nuɲe piro suluna

<sup>6</sup>Mine minemba nane ye baleyuwaig le ye tuku ndare atrau agaɲ taɲaɲ kutukamɲgat. Ye kilke te kusrewam tuku ait buk patukate. <sup>7</sup>Nane usre mbolɲge pinderka mabtam tuku ma mbol prode taɲaɲ ye piroka ka mabtam tuku ma mbol buk prowen. Ye Kristus tuku pasa son ɲgeg ta kusre ndamba biye dewet. <sup>8</sup>Kile Suŋgo nu ye tiɲreknu ɲga lafunu sam tuku pilna le minit. Nu kumumbi taɲgo pileniɲgit. Ait suŋgo mbolɲge nuɲge lafu ta samɲgat. Ye ndo kuga. Nane afu nu maɲ mayok kambim tuku wamdus suŋgo ɲak minig ta nu nane mata lafu mayenu niɲgamɲgat.

#### Wam pagu pasa afu

<sup>9</sup>Ne pitik ndo ndin sota te prowa. <sup>10</sup>Kresens nu Galesia ma mbol kina le Titus nu Dalmesia ma mbol kina. Demas nu kilke te mbolok maɲau tuku nzali suɲgona le nu ye kusreyumba Tesalonika kina. <sup>11</sup>Lukas nu ndo ye ndoɲ teɲge minit. Ne Markus samba nu ndoɲ yalpe. Nu ye

turyam tuku tanjo mayenu. <sup>12</sup>Ye Tikikus kukulen le Efesus tumbran sunjo mbol kina.

<sup>13</sup>Ne ye tuku murke tuku tawi kaikam tuku Troasnge Karpus tuku wandeknge kusrewen ta tumba prowa. Ye tuku pasa waje kilmba afu aganjmor ngaronumbi wakeikanu ta sinja kusre ndaka kilmba prowa.

<sup>14-15</sup>Aleksander nu ainmbi aganj ndende wakeikanu tanjo ne nu rironka. Nu sanjri tinga sine tuku pasa mbulmba te-iberjna sulumba nu ye njayo siliyina. Sunjonje lafunu tambimngat.

<sup>16</sup>Nane abo abo ye pasa mbolnje pilnaig le ande nu ye tur ndayina. Nane njakmba kua kinaig. Kuate nu nane tuku mbar ta sauka gilainguwa nga yabanjet. <sup>17</sup>Sunjo nu ndo ye kusre ndayina. Nu ye sanjri pileyina le ye nu tuku pasa kumumbi kukliwen le kasomok mbal njakmba isnaig. Nu tanjamba ye turyina ta nane laionnje baleyuwaig nga sakinaig ta tanja ndanaig. <sup>18</sup>Wam njaignu njakmba ngamuknge nu ye turyumba kigraibka nunge kulatkate ma mbolnje ye palmbimngat. Sine nu tuku nyu sunjo ta te-dunga minmba minbe. Son.

<sup>19</sup>Prisila tanjo nunge Akuila ndon Onesiforus tuku wande tuma mbal turmba ye nane njakmba kaiye pasa ninjet.

<sup>20</sup>Erastus nu Korinje kusrewen. Trofimus nu Miletusnge guazengina le tanje kusrewen le minit.

<sup>21</sup>Ne dal ndaka murke ait pro ndatemi te prowa. Yubulus, Pudens, Linus, Klaudia tira kame te afu turmba ne kaiye pasa tinig.

<sup>22</sup>Sunjo nu ne ngamungal sanjri pilenumba minwa. Nu ake sinaj ne make pilwa.

Son.